



雅音會編卷之十一

長樂西

羊城康麟文瑞集次

後學剡溪王鈿校正

下平聲

九青

五言絕句

遺響

過酒家

王績

此日長昏飲非關養性靈眼看人盡醉何忍獨為醒

李集

夜下征虜亭

船下廣陵去月明征虜亭山花如綉頰江火似流螢
勞勞亭

天下傷心處勞勞送客亭春風知別苦不遣柳條青

五言律詩

始音

文翁講堂

盧照隣

錦里淹中館岷山稷下亭空梁無燕雀古壁有丹青

槐落猶疑市苔深不辨銘良哉二千石江漢表遺靈

遺響

長門怨

沈佺期

月皎風泠泠長門似掖庭玉階聞墜葉羅幌見飛螢
清露凝珠綴流塵下翠屏妾心君未察愁嘆劇繁星

三體

寄司空圖

僧虛中

逍遙短褐成一劍動精靈白晝夢仙島清晨禮道經
黍苗侵野徑桑椹污閑庭肯要為憐者西南太華清

池上

白居易

嫋嫋涼風動淒淒寒露零
蘭衰花始白荷破葉猶青
獸立棲沙鶴雙飛照水螢
若為寥落境仍值酒初醒

秋夜宿淮口

景池

露白草猶青淮舟倚岸停
風帆幾處客天地兩河星
樹靜禽眠草沙寒鹿過汀
明朝誰結伴直去泛滄溟

三月五日泛長沙東湖

張文新

上已餘風景芳辰集遠垆
湖光迷翡翠草色醉蜻蜒
鳥弄桐花日魚翻穀雨萍
從今留勝會誰看畫蘭亭

甘露寺

孫魴

寒暄皆有景孤絕盡難形
地拱千尋險天垂四面青
晝燈籠鴈塔夜磬徹魚汀
更愛僧房好波光滿戶庭

西陵夜居

吳融

寒潮落遠汀暝色入柴扃
漏永沉沉靜燈孤的的青
林風移宿鳥池雨定流螢
盡夕成愁絕啼螿莫近庭

宿宣義池亭

劉得仁

暮色逸柯亭南山出竹青
夜深斜舫月風定一池星
島嶼無人迹菰蒲有鶴翎
此中休使得何必泛滄溟

軍中醉飲寄沈八劉叟

暢當

酒渴愛江清餘酣漱晚汀軟莎歌坐穩冷石醉眠醒
野膳隨行帳傘音癸從伶數盃君不見都已遣沉冥

即上人院晨坐

許渾

簾涼襟袖清月沒尚殘星山果落秋院水花開曉庭
踈藤風嫋嫋圓桂露冥冥正憶江南寺巖齋聞誦經

題冲澹上人院

拆石種松子數根浸香冥天寒猶講律雨暗尚尋經
小殿燈千盞深爐水一瓶碧雲多別思休道望溪亭

類編

送趙郡都督赴代州

王維

天宮動將星漢地柳條青萬里鳴刁斗三軍出井陘
忘身辭鳳闕報國取龍庭不學書生輩窓間著一經

秋日旅懷寄右省鄭拾遺

王貞白

永夕愁無寐秋虫喧夜庭半窗分曉月當枕落殘星
鬢髮遊梁白家山近越青知音在省諫苦調有誰聽

題會上人房

孟浩然

帶雪梅初暖含煙柳尚青來窺童子偈得聽法王經

會裏知無我觀空厭有形迷心應覺悟客思不遑寧

杜集

秦州雜詩二十首其九

今日明人眼臨池好驛亭叢臺低地碧高柳半天青
稠疊多幽事喧呼閱使星老夫如有此不異在郊坰

高柵

柵樹色冥冥江邊一蓋青近根開藥圃接葉製茅亭
落景陰猶合微風韻可聽尋常絕醉困卧此片時醒

又呈竇使君

向曉波微綠連空岸脚青日兼春有暮愁與醉無醒
漂泊猶盃酒躊躇此驛亭相看萬里別同是一浮萍

故武衛將軍挽詞三首其一

嚴警當寒夜前軍落大星壯夫思感沒哀詔惜精靈
王者今無戰書生已勒銘封侯意踈濶編簡為誰青

行次藍亭縣聊題四韻奉簡嚴遂州蓬州

二使君諮議諸昆季

馬首見藍亭高山擁縣青雲溪花淡淡春郭水泠泠
全蜀多名士嚴家聚德星長歌意無極好為老夫聽

不離西閣

其二首

西閣從人別人今亦故亭江雲飄素練石壁斷空青
滄海先迎日銀河倒列星平生耽勝事吁駭始初經

暮春題灤西新賃草屋

五首
其三

絲雲陰復白錦樹曉來青身世雙蓬髮乾坤一草亭
衰歌時自短醉舞為誰醒細雨荷鋤立江猿吟翠屏

喜觀即到復題短篇

其二首
其二

待爾嗔烏鵲拋書示鶴鷄枝間喜不去原上急曾經
江閣嫌津柳風帆數驛亭應論十年事愁絕始星星

泊松滋江亭

紗帽隨鷗鳥扁舟繫此亭江湖深更白松竹遠還青
一柱全應近高唐莫再經今宵南極外甘作老人星

衡州送李大夫七丈赴廣州

斧鉞下青冥樓船過洞庭北風隨爽氣南斗避文星
日月籠中鳥乾坤水上萍王孫丈人行垂老見飄零

獨坐

二首
其一

竟日雨冥冥雙崖洗更青水花寒落岸山鳥暮過庭
煖老須燕玉充饑憶楚萍胡笳在樓上哀怨不堪聽

客舊館

陳跡隨人事初秋別此亭
重來梨葉赤依舊竹林青
風慢何時卷寒砧作夜聲
無由出江漢愁緒日冥冥
路逢襄陽少府入城戲呈楊四員外館

寄與楊員外山寒少茯苓
歸來稍暄暖當為劖青冥
翻動神仙窟封題鳥獸形
兼將老藤杖扶汝醉初醒
宿白沙驛初過湖南五里

水宿仍餘照人烟復此亭
驛邊沙舊白湖外草新青
萬象皆春氣孤槎自客星
隨波無限月的近南溟

韓集

閑遊二首其一

雨後來更好繞池徧青青
柳花閑度竹菱葉故穿萍
獨坐殊未厭孤斟詎能醒
持竿至日暮幽韻欲誰聽

馱酌四首其二

馱往南塘上秋晨景氣醒
露排四岸草風約半池萍
鳥下見人寂魚來聞餌馨
所嗟無可召不得倒吾甁

五言排律

正聲

省試湘靈鼓瑟

錢起

善鼓雲和瑟常聞帝子靈馮夷空自舞楚客不堪聽
苦調淒金石清音入杳冥蒼梧來怨慕白芷動芳馨
流水傳湘浦悲風過洞庭曲終人不見江上數峯青

杜集

贈翰林張四學士

翰林逼華蓋鯨力破滄溟天上張公子宮中漢客星
賦詩拾翠殿佐酒望雲亭紫誥仍兼綰黃麻似六經
內分金帶赤恩與荔芰青無出隨高鳳空餘泣聚螢

此生任春草垂老歎漂萍倘憶山陽會悲歌在一聽

秦州見敕目薛三瓊授司議郎畢四曜除

監察與二子有故遠喜遷官兼述索居三

十韻

大雅何寥廓斯人尚典刑交期余潦倒材力爾精靈
二子陞同日諸生困一經文章開突奧遷擢潤朝廷
舊好何由展新詩更憶聽別來頭併白相見眼終青
伊昔貧皆甚同憂歲不寧栖遑分半菽浩蕩逐流萍
俗態猶猜忌妖氛逐杳冥歎投漢閣俱議哭秦庭

還蜀祗無補囚梁亦固局華夷相混合宇宙一羶腥
帝力收三統天威總四冥舊都俄望幸清廟肅惟馨
雜種難高壘長驅甚建瓴焚香泚景殿漲水望雲亭
法駕初還日群公若會星宮臣仍點染柱史正零丁
官忝趨栖鳳朝回嘆聚螢喚人看驪裹不嫁惜娉婷
掘劍知埋獄提刀見發硎侏儒應共飽漁父忌偏醒
旅泊窮清渭長吟望濁涇羽書還似急烽火未全停
師老資殘寇戎生及近垆忠臣辭憤激烈士涕飄零
上將盈邊鄙元勳溢鼎銘仰思調玉燭誰定握青萍

隴俗輕鸚鵡原情類鶴鴝秋風動關塞高卧想儀刑

韓集

和崔舍人詠月

三秋端正月今夜出東溟對日猶分勢騰天漸吐靈
未高蒸遠氣半上霽孤形赫奕當躔次虛徐度杳冥
長河晴散霧列宿曙分螢浩蕩英華溢瀟疎物象冷
池邊臨到照簷際送橫經花樹參差見皋禽斷續聆
牖光窺寂寞砧影半娉婷幽坐看侵戶閑吟愛滿庭
輝斜通壁練彩碎射沙星清潔雲間路空涼水上亭

淨堪分顧兔細得數飄萍山翠相凝綠林烟共冪青
過隅驚桂側當午覺輪停屬思離霞錦追懽罄鏘鉗
郡樓何處望隴笛此時聽右掖連台座重門限禁扃
風臺觀滉漭冰砌步青熒獸有虞庠客無由拾落奠
七言絕句

正音

秋夕

杜牧

銀燭秋光冷畫屏輕羅小扇撲流螢天街夜色涼如
水卧看牽牛織女星

題城樓

鳴軋江樓角一叢微陽漱漱落寒汀不用憑闌重回
首故鄉七十五長亭

龍池

李商隱

龍池賜酒敞雲屏羯鼓敲高衆樂停夜半燕歸宮漏
永薛王沉醉壽王醒

寒食寄京師諸弟

韋應物

雨中禁火空齋冷江上流鶯獸坐聽把酒看花想諸
弟杜陵寒食草青青

遺響

贈楊鍊師

鮑溶

道士夜誦藥珠經白鶴下繞香烟聽夜深經盡人上
鶴天風吹入秋冥冥

三體

小樓

儲嗣宗

松杉風外亂山青曲几焚香對石屏記得去年春雨
後燕泥時污太玄經

華陽巾

陸龜蒙

蓮花峯下得佳名雲褐相兼上鶴翎須是古壇秋霽
後靜焚香炷禮寒星

選唐

生公講堂

劉禹錫

生公說法鬼神聽身後空堂夜不扃高坐寂寥塵漠
漠一方明月可中庭

李集

上皇西巡南京歌

十七首
其七

錦水東流繞錦城星橋北掛象天星四海此中朝聖

主峨眉山下列仙庭

杜集

漫興其一絕

眼見客愁愁不醒無賴春色到江亭
即遣花開深造次便教鶯語太丁寧

絕句

藥條藥甲潤青青色過棕亭入草亭
苗滿空山慙取舉根深隙地怯成形

韓集

盆池其五首

池光天影共青青拍岸纔添水數併
且待夜深明月去試看涵泳幾多星

七言律詩

正音

寄和州劉使君

張籍

別離已久猶為郡閑向春風倒酒瓶
送客特過沙口堰看花多上水心亭
曉來江氣連城白雨後山光滿郭青
到此詩情應更遠醉中歌詠有誰聽

夏夜宿表兄宅話舊

竇叔向

夜合花開香滿庭夜深微雨醉初醒
遠書珍重何曾達舊事淒涼不可聽
去日兒童皆長大昔年親友半凋零
明朝又是孤舟別愁見河橋酒幔青

鼓吹

贈日本國僧智藏

劉禹錫

浮杯萬里過滄溟徧禮名山適性靈
深夜降龍潭水黑新秋放鶴野田青
身無彼我那懷土心會真如不讀經
為問中華學道者幾人雄猛得寧馨

奉和襲美送弘惠上人

陸龜蒙

一函迢遞過東瀛祇為先生處乞銘
已得雄詞封淨檢却懷孤影在禪庭
春過異國人應寫夜讀滄洲恠亦聽
遙想勤成新塔下盡望空碧禮文星

楊尚書寄柳筆

柳宗元

截玉銛錐作妙形貯雲含霧到南溟
尚書舊用裁天詔內史親將寫道經
曲藝豈能裨損益微辭祇欲播芳馨
桂陽卿月光輝遍毫末應傳顧兔靈

秦處士移家富春發樟亭懷寄

潮落空江洲渚生知君已上富春亭嘗聞郭邑山多
秀更說官僚眼盡青離別幾宵魂耿耿想思一座髮
星星仙翁白石高歌調無復松齋半夜聽

病孔雀

皮日休

烟花難媚思沉溟猶自擡頭護翠翎強聽紫簫如欲
舞困眠紅樹似依屏因思桂蠹傷飢骨為憶松鶻換
性靈盡日春風吹不起鈿毫金縷一星星

和王昭符進士贈洞庭趙先生

高駢

為愛君山景最靈角冠秋禮一壇星藥將鷄犬雲間
試琴許魚龍月下聽自要乘風隨羽客誰同種玉驗
仙經烟霞澹泊無人到惟有漁翁過洞庭

閑居寄陳山人

譚用之

閑居何處得閑名坐掩衡茅損性靈破夢曉鐘聞竹
寺漲心秋雨侵莎庭甕邊難負千鍾祿海上終眠萬
仞青珍重先生全太古應看名利似浮萍

酌邢杜二員外

許渾

雪帶東風洗盡屏容星懸處聚文星未歸嵩嶺暮雲
碧又別杜陵春草青熊軾並驅因雀噪隼旗齊駐是
鴻冥豈知京洛舊親友夢繞潯溪江上亭

類編

送鄭尚書歸廣州

張藉

聖朝選將持符節內制宣時百辟聽海北蠻夷來舞
蹈嶺南封堯送圖經白鷗飛繞迎官舫紅槿開當宴
客亭此處莫言多瘴癘天邊看取老人星

杜集

嚴中丞枉駕見過

元戎小隊出郊坰問柳尋花到野亭川合東西瞻使
節地分南北任浮萍扁舟不默如張翰皂帽應兼似
管寧寂寞江天雲霧裏何人道有少微星

即事

天畔群山孤草亭江中風浪雨冥冥一雙白魚不受
釣三寸黃柑猶自青多病馬卿無日起窮途阮籍幾
時醒未聞細柳散金甲腸斷秦州流濁涇

覃山人隱居

南極老人自有星北山移文誰勒銘徵君已去馱松
菊哀壑無光留戶庭予見亂離不得已子知出處必
須經高車駟馬帶傾覆悵望秋天虛翠屏

韓集

賀水部張員外宣政衙賜百官櫻桃詩

漢家舊種明光殿炎帝還書本草經豈似滿朝承雨
露共看傳賜出青冥香隨翠籠擎初倒色映銀盤寫
未停食罷自知無所報空然慙汗仰皇扃

七言排律

杜集

題鄭十八著作文

台州地濶海冥冥雲水長和島嶼青亂後故人雙別
淚春深逐客一浮萍酒酣懶舞誰相拽詩罷能吟不
復聽第五橋東流恨水皇陂岸北結愁亭賈生對鵬
傷王傳蘇武看羊陷賊庭可念此公懷直道也霑新
國用輕刑禰衡實恐遭江夏方朔虛傳是歲星窮巷
悄然車馬絕案頭乾死讀書螢

十蒸

五言絕句

始音

送別

駱賓王

寒更承夜永涼夕向秋澄離心何以贈自有玉壺冰

正音

江行無題

錢起

咫尺愁風雨匡廬不可登祗疑香霧窟猶有六朝僧

遺響

宮中樂

張仲素

江果瑤池實金盤露井冰甘泉將避暑臺殿曉光凝

古曲

施肩吾

夜裁鴛鴦綺朝織蒲萄綾欲試一片心侍縫三尺冰

五言律詩

三體

村行

姚揆

天淡雨初晴遊人恨不勝亂山啼蜀魄孤棹省巴陵
影暗村橋柳光寒水寺燈罷吟思故國窓外有漁罾

雲居長老

王貞白

癯路躡雲上來叅出世僧松欹半岩雪竹覆一溪水
不說有為法非傳無盡燈了然方寸內應祇見南能

送耿山人遊湖南

周賀

南行隨越僧舊業一池菱兩鬢已垂雪五湖歸掛曾
夜濤鳴柵鎖寒葦露船燈此去更無事却來猶未能

早春寄華下同志

裴說

正是花時節思君寢復興市沽終不醉春夢亦無憑
嶽面懸青雨河心走濁冰東門一條路離恨鎮相仍

送普門上人

皇甫冉

花宮離久別道者憶千燈殘雪入林露深山歸寺僧
日光依嫩草泉響滴春冰何用求方便看心是一乘

姑熟官舍寄汝洛友人

許渾

官靜亦無能平生少面朋務閑唯印吏公退只蒸僧
藥鼎初寒火書龕欲夜燈安知此溟水終日送搏鵬

盈上人

月沉霜已凝無夢竟寒燈寄世何時客脩身未到僧
二毛梳上雪雙淚枕前冰借問遭溪路山多樹幾層

晨起

桂樹綠層層風微烟露凝
簷楹御落月幃幌耿殘燈
斲篔簹香冷越瓶秋水澄
心閑即無事何異住山僧

杜集

泊岳陽城下

江國輸千里山城僅百層
岬風翻夕浪舟雪洒寒燈
留滯才難盡艱危氣益增
圖南未可料變化有鯤鵬

故武衛將軍挽詞

三首其二

舞劍過人絕鳴弓射獸能
銛鋒行愜順猛噬失躑騰
赤羽千夫膳黃河十月冰
橫行沙漠外神速至今稱

江邊星月

二首其一

驟雨清秋夜金波耿玉繩
天河元自白江浦向來澄
映物連珠斷緣空一鏡升
餘光憶更漏况乃露華凝

五言排律

正聲

歲暮自廣江至新興往復中題峽山寺

許渾

薄暮緣西峽停撓一訪僧
鷲巢行卧柳猿飲倒垂藤
水曲巖千疊雲深樹百層
山風寒殿磬溪雨夜船燈

難漲危槎沒泉衝怪石崩中臺一襟淚歲杪別良朋

杜集

寄劉峽州伯華使君四十韻

峽內多雲雨秋來尚鬱蒸遠山朝白帝深水謁夷陵
遲暮嗟為客西南喜得朋哀猿更起坐落鳥失飛騰
伏枕思瓊樹臨軒對玉繩青松寒不落碧海濶逾澄
昔歲文為理群公價盡增家聲同令聞時論以儒稱
太后當朝肅多才接跡昇翠虛捐颺丹極上鯤鵬
宴引春壺酒恩分夏簟冰雕章五色筆紫殿九華燈

學並盧王敏書借褚薛能老兄真不墜小子歎無承
近有風流作聊從月竈徵放蹄知赤驥挾翅服蒼鷹
卷軸來何晚襟懷庶可憑會期吟諷數益破旅愁凝
雕刻初誰料纖毫欲自矜神融躡飛動戰勝洗侵凌
妙取筌蹄棄高宜百萬層白頭遺恨在青竹幾人登
回首追談笑勞歌跼寢興年華分已矣世故莽相仍
刺史諸侯貴即官列宿應潘生驂閣遠黃霸壘書增
乳巒號攀石饑鼃訖落藤藥囊親道士灰劫問胡僧
憑父烏皮綻簪稀白帽稜林君看蟻穴野食待魚罾

筋力交凋喪飄零免戰兢皆為百里宰正似六安丞
姪女榮新裹丹砂冷舊秤但求椿壽永莫慮杞天崩
鍊骨調情性張兵撓棘矜養生終自惜伐叛必全憑
政術甘踈誕詞揚愧服膺展懷詩誦魯割愛酒如澠
咄咄寧書字冥冥欲避矰江湖多白鳥天地有青蠅

贈特進汝陽王二十韻

特進群公表天人夙德升霜蹄千里駿風翻九霄鵬
服禮求毫髮推忠忘寢興聖情常有眷朝退若無憑
仙醴求浮蟻竒毛或賜鷹清闕塵不雜中使日相乘
晚節嬉遊簡平居孝義稱自多親棣萼誰敢問山陵
學業醇儒富辭華哲匠能筆飛鸞聳立章罷鳳騫騰
精理通談笑忘形向友朋寸腸堪繾綣一諾豈驕矜
已忝歸曹植何如對李膺招要恩屢至崇重力難勝
披霧初歡夕高秋爽氣澄樽壘臨極浦鳧宿張燈
花月窮遊宴炎天避鬱蒸硯寒金井水簷動玉壺冰
瓢飲惟三迳巖栖異一塋謬持螯測海况挹酒如澠
鴻寶寧全秘丹梯庶可陵淮王門有客終不愧孫登

七言絕句

正音

將赴吳興登樂遊原

杜牧

清時有味是無能
閑愛孤雲靜愛僧
欲把一麾江海去
樂遊原上望昭陵

寄別朱拾遺

劉之卿

天書遠詔滄浪客
幾度臨岐病未能
江海茫茫春欲徧
行人一騎發金陵

遺響

連駕西遊因而有作

温庭筠

宣曲長陽瑞氣凝
上林狐兔待秋鷹
誰將辭賦陪雕輦
寂寞相如卧茂陵

選唐

經秦王墓

許渾

龍盤虎踞樹層層
勢入浮雲亦是崩
一種青山秋草裏
路人惟拜漢文陵

杜集

鮮悶十八首

不見高人王右丞
藍田丘壑蔓寒藤
最傳秀句寰區

滿未絕風流相國能

韓集

楸樹二首其一

幾歲生成為大樹一朝纏繞困長藤誰人與脫青羅
帔看吐高花萬萬層

七言律詩

三體

慈恩偶題

鄭谷

往事悠悠成浩嘆浮生擾擾竟何能故山歲晚不歸
去高塔晴來默自登林下聽經秋苑鹿溪邊掃葉夕
陽僧吟餘却起雙峯念曾看庵西瀑布冰

咸陽懷古

劉滄

經過此地無窮事一望凄然感廢興渭水故都秦二
世咸陽秋草漢諸陵天空絕塞聞邊鴈葉盡孤村見
夜燈風景蒼蒼多少恨寒山半出白雲層

蒲津河亭

唐彥謙

宿雨清秋霽景澄廣亭高樹向晨興烟橫博望乘槎
水日上文王避雨陵孤棹夷猶期獸往曲欄愁絕每

長凭思鄉懷古多傷別此際哀吟幾不勝

鼓吹

退樓

司空圖

宦遊蕭索為無能移住中條最上層得劍乍如添健
僕亡書久似失良朋燕昭不是空憐馬支遁何妨亦
愛鷹自致此身繩檢外肯教世路日兢兢

贈別前蔚州契苾使君

李商隱

何年部落到陰陵奕世勤王國史稱夜捲牙旗千帳
雪朝飛羽騎一河水蕃兒襁負來青塚狄女壺漿出
白登日暮鷓鴣泉畔獵路人逢認到都鷹

次韻日休見寄

陸龜蒙

共尋花思極飛騰病帶春寒去未能烟徑水涯多好
烏竹床蒲椅但高僧須知日富為神授祇有家貧免
盜憎除却數函圖籍外更將何事結良朋

送盧先輩自衡岳赴復州嘉禮

許渾

湘南詩客海中行鵬翅垂雲不自矜秋水靜磨金鏡
上夜風寒結玉壺冰萬重嶺嶠辭衡岳千里山陂問

竟陵醉倚西樓人已遠柳溪無浪月澄澄

獻韶陽相國崔公

一賈為功極九層康莊猶自拔稜稜舟回北渚經年
泊門接東山盡日登萬國已聞傳玉璽百官猶望啓
金騰賢臣會致唐虞世獸倚江樓笑范增

南庭夜坐貽開元禪定二道者

薄暮焚香何處宿西巖一室映疎藤光陰難駐跡如
客寒暑不驚心是僧高樹有風聞夜磬遠山無月見
秋燈身閑境靜日為樂若問其餘我未能

杜集

早秋苦熱堆案相仍

七月六日苦炎熱對食暫飡還不能每愁夜中自足
蝎况乃秋後轉多蠅束帶發狂欲大叫簿書何急來
相仍南望青松架短壑安得赤脚踏層冰

首夏多病熱奉懷李尚書之芳

衰年疾病苦侵陵首夏何須氣鬱蒸大水淼茫炎海
接竒峯肆兀火雲升思沾道渴黃梅雨敢望宮恩七
井冰不是尚書期不顧山陰夜雪興難乘

十一九

五言絕句

始音

翫新月

駱賓王

忌滿光恒缺乘昏影暫流自能明似鏡何用曲如鈎

正音

流水曲

崔國輔

歸來日尚早更欲向芳洲渡口水流曲回船不自由

見渭水思秦川

岑參

渭水東流去何時到雍州憑添兩行淚寄向故園流

登柳州峨山

柳宗元

荒山秋日午獸上意悠悠如何望鄉處西北是融州

江南曲

儲光羲

日暮長江裏相邀歸渡頭落花如有意來去逐船流

采蓮

崔國輔

玉淑花爭發金塘水亂流相逢畏相失並着采蓮舟

長沙驛前南樓感舊

柳宗元

海鶴一為別存亡三十秋今來數行淚獸上驛南樓

漢宮曲

韓君平

繡幕珊瑚鈎春闕翡翠樓深情不肯道嬌倚鈿篋

遺響

高樓

于武陵

遠天明月出照此誰家樓上有羅衣裳涼風吹不休

效崔國輔體

韓渥

雨後碧苔院霜來紅葉樓閑階上斜日鸚鵡伴人愁

絕句

李商隱

滯雨長安夜殘燈獨客愁故鄉雲水地歸夢不宜秋

客中樂

長孫佐輔

九重青鎖闥百尺碧雲樓明月秋風起珠簾上玉鈎

古詞

李群玉

一合相思淚臨江洒碧秋碧波如會意却與向西流

新月

盧仝

仙宮雲箔卷露出玉簾鈎清光無所贈相憶鳳凰樓

雨夜呈長官

李群玉

遠客坐長夜雨聲孤寺秋請量東海水看取淺深愁

涼州詞

薛逢

千里東歸客無心憶舊遊掛帆過白水高枕到青州

正聲

歸燕

崔道融

海燕頻來去西人獨滯留天邊又相送腸斷故園秋

夜泊九江

夜泊江門外懽聲月下樓明朝歸去路猶隔洞庭秋

秋日湖上

薛瑩

落日五湖遊烟波處處愁浮沉千古事誰與問東流

李集

田園言懷

賈誼三年謫班超萬里侯何如牽白犢飲水對清流

陪侍郎叔遊洞庭醉後其二首

剗却君山好平鋪湘水流巴陵無限酒醉殺洞庭秋

秋浦歌十七首

醉上山公馬寒歌窸窣牛空吟白石爛淚滿黑貂裘

杜集

復愁十二首

胡虜何曾盛干戈不肯休問閩聽小子談笑覓封侯

即事

百寶裝腰帶真珠絡臂鞢笑時花近眼舞罷錦纏頭

韓集

流水

汨汨幾時休從春復到秋只言池水滿池滿強交流

西山

新月通霄掛晴雲到晚留為遮西望眼終是懶回頭

五言律詩

始音

紫駟馬

楊炯

俠朱重周遊金鞭控紫駟蛇弓白羽箭鶴轡赤茸鞞
發跡來南海長鳴向北州匈奴今未滅畫地取封侯

正音

送平淡然判官

王維

不識陽關路新從定遠侯黃雲斷春色畫角赴邊愁
瀚海經年別交河出塞流頓令外國使知飲月支頭

南州有贈

賈至

越井人南去湘川水北流江邊數杯酒海內一孤舟

嶺嶠同仙客京華即舊遊春心將別恨萬里共悠悠

宿雲門寺閣

孫逖

香閣東山下烟花象外幽懸燈千嶂夕卷幔五湖秋
畫壁餘鴻鴈紗窓宿斗牛更疑天路近夢與白雲遊

題陸山人樓

儲光羲

暮聲雜初鴈夜色涵早秋獸見海中月照君池上樓
山雲拂高棟天漢入雲流不惜朝光滿其如千里遊

宿桐廬江

孟浩然

山暝聽猿愁滄江急夜流風鳴兩岸葉月照一孤舟

建德非吾土維揚憶舊遊還將兩行淚遙寄海西頭

梅道士水亭

傲吏非凡吏名流即道流隱居不可見高論莫能酬
水接仙源近山藏鬼谷幽再來尋處所花下問漁舟

送劉評事充朔方判官賦得征馬嘶

高適

征馬向邊州蕭蕭嘶未休思深應帶別聲斷為兼秋
歧路風將遠關山月共愁贈君從此去何日大刀頭

送楊州王司馬

岑參

君家舊淮水水上到揚州海樹青官舍江雲黑郡樓
東南隨去鳥人吏待行舟為報吾兄道如今已白頭

武威春暮聞宇文判官西使還已到晉昌

片雨過城頭黃鸝上戍樓塞花飄客淚邊柳掛鄉愁
白髮悲明鏡青春換弊裘君從萬里去聞已到瓜州

送王牧往吉州謁使君叔

李嘉祐

細草綠汀洲王孫耐薄遊年華初冠帶文采舊弓裘
野渡花爭發春塘水亂流使君憐小阮應念倚門愁

松江獨宿

劉長卿

洞庭初下葉孤客不勝愁明月天涯夜青山江上樓
一官成白首萬里寄滄洲又被浮名繫能無愧海鷗

漂母墓

昔賢懷一飯茲事已千秋古墓樵人識前朝楚水流
渚蘋行客薦山木杜鵑愁春草茫茫綠王孫舊此遊
秋夜南宮寄澧上二弟及諸生

韋應物

暝色起烟閣沉抱積離憂况茲風雨夜蕭條梧葉秋
空雨感涼至頽頽驚歲愁日夕遊關下山水憶相遊

醉後憶山中人

王建

花開草復秋，雲水自悠悠。
因醉輒無事，在注難免愁。
遇晴須看月，聞健且登樓。
暗想山中伴，如今盡白頭。

三體

送人入蜀

李遠

蜀客本多愁，今君是勝遊。
碧藏雲外樹，紅露驛邊樓。
杜宇呼名語，巴江學字流。
不知烟雨夜，何處夢刀州。

新秋對月寄樂天

劉禹錫

月露發光彩，此時方見秋。
夜涼金氣應，天靜火星流。

宿荆溪館呈丘義興

嚴維

蟲響偏依井，螢飛直過樓。
相知盡白首，清景復追遊。
失路荆溪上，依仁忽暝投。
長橋今夜月，陽羨古時州。
野燒明山郭，寒更出縣樓。
先生能館我，何事五湖遊。

秋夜泛舟

劉方平

林塘夜泛舟，蟲響旅颼颼。
萬影皆因月，千聲各為秋。
歲華空復晚，鄉思不堪愁。
西北浮雲外，伊川各處流。

南溪別業

岑參

結宇依青嶂，開軒對綠疇。
樹交花兩色，溪合水重流。

竹徑春來掃蘭樽夜不收逍遙自得意鼓腹醉中遊
宿關西客舍寄嚴許二山人

雲送關西雨風傳渭北秋孤燈燃客夢塞杵搗鄉愁
灘上思嚴子山中憶許由蒼生今有望飛詔下林丘

題汗陵臨沙驛樓

司空曙

江天清更愁風柳入江樓
鴈識楚山晚蟬知秦樹秋
淒涼多獨醉零落半同遊
豈復平生意蒼然蘭杜州

冬日野望

于良史

地際朝陽滿天邊宿霧收
風蕪殘雪起河帶斷水流
北闕馳心極南圖尚旅遊
登臨思不已何處可消憂

洛陽早春

顧况

何地避春愁終年憶舊遊
一家千里外百舌五更頭
客路偏逢雨鄉山不入樓
故園莢李月伊水向東流

寄永嘉崔道融

司空圖

旅寓雖難定乘閑是勝遊
碧雲蕭寺霽紅樹謝村秋
戍鼓和潮暗船燈照島幽
詩家多滯此風景似相留

正聲

送壽州陳錄事

韓翃

壽陽南渡口歛笏見諸侯片雨楚雲暮千家淮水秋
開簾見芳草送客上春洲請問山中桂王孫幾度遊
雲夢故城秋望
戎昱

故國遺墟在登臨想舊遊一朝人事變千載水空流
夢渚鴻聲晚荆門樹色秋片雲凝不散遙想望鄉愁
送人之九江謁郡侯苗員外
鄭谷

澤國尋知己南浮不偶遊淦城分楚塞廬岳對江州
曉飯臨孤嶼春帆入亂流双旌相望處月白庾公樓
送魏人
高適

更酤琪上酒還泛驛前舟為惜故人去復怜嘶馬愁
雲山行處合風雨與中秋此路無知己明珠莫暗投
類編

送奚賈歸吳
郎士元
東南富春渚曾是謝公遊今日奚生去新安江上秋
水容清過客楓葉落行舟遙想赤亭下聞猿應夜愁
送人入蜀
張喬

劍閣緣空去西過第幾州丹霄行客語明月杜鵑愁
露帶山花落雲隨野水流相如曾醉地莫戀少年遊

題潼驛樓

崔顥

客行逢雨霽，歇馬上津樓。
山勢雄三戶，關門扼九州。
川從陝路去，河繞華陰流。
向晚登臨處，風烟萬里愁。

裴迪書齋翫月

錢起

夜長詩酒興，月上謝公樓。
影閉重門靜，寒生獨樹秋。
鵲驚隨葉散，螢遠入烟流。
今夕遙天末，清輝幾處愁。

他鄉七夕

孟浩然

他鄉逢七夕，旅館益羈愁。
不見穿針婦，空懷故國樓。
緒風初減熟，新月始登秋。
誰忍窺河漢，迢迢問女牛。

深度驛

張說

旅宿青山夜，荒庭白露秋。
洞房懸月影，高枕聽江流。
猿響空岩樹，螢飛古驛樓。
他鄉對搖落，併覺起離憂。

河嶽英靈

九日懷襄陽

孟浩然

去國似如昨，倏然驚杪秋。
觀山望不見，風景使人愁。
誰採籬邊菊，應閑池上樓。
宜城多美酒，歸與葛強遊。

李集

宮中行樂詞其六首

今日明光裏還須結伴遊春風開紫殿天樂下珠樓
艷舞全知巧嬌歌半欲羞更憐花月夜宮女笑藏鈎

又其二

水綠南薰殿花紅北闕樓鶯歌聞太液鳳吹繞瀛州
素女鳴珠珮天人弄綵毬今朝風日好宜入未央遊

秋浦歌十七首其二

秋浦猿愁夜黃山堪白頭清溪非隴水翻作斷腸流
欲去不得土薄遊成久遊何年是歸日雨淚下孤舟

渡荊門送別

渡遠荊門外來從楚國遊山隨平野盡江入大荒流
月下飛天鏡雲生結海樓仍連故鄉水萬里送行舟

太原早秋

歲落衆芳歇時當大火流霜威出塞早雲色渡河秋
爽繞邊城月心飛故國樓思歸若汾水無日不悠悠

金陵

地擁金陵勢城廻江水流當時百萬戶夾道起珠樓
亡國生春草王宮沒古丘空餘後湖月波上對江州

謝公亭

謝公離別處風景每生愁客散青天月山空碧水流
池花春映日窓竹夜鳴秋今古應相接長歌懷舊遊

寄淮南友人

紅顏悲舊國青歲歇芳洲不待金門詔空持寶劍遊
海雲迷驛道江月隱鄉樓復作淮南客因逢桂樹留
楚江黃龍磯南宴楊執戟冶樓

五月分五洲碧山對青樓故人揚執戟春賞楚江流
一見醉漂月三盃歌棹謳桂枝攀不盡他日更相求

杜集

落日

落日在簾鈎溪邊春事幽芳菲緣岸圃樵爨倚灘舟
啁雀爭枝墜飛蟲滿院遊濁醪誰造汝一酌散千憂

題張氏隱居

之子時相見邀人晚興留澄潭鱣潑潑春草鹿呦呦
杜酒偏勞勸張梨不外求前村山路險歸醉每無愁

江漲

江發蠻夷漲山添雨雪流大聲吹地轉高浪蹴天浮
魚鼈為人得蛟龍不自謀輕帆好去便吾道付滄洲

屏跡三首
其二

晚起家何事無營地轉幽竹光圍野色舍影漾江流
失學從兒懶長貧任婦愁百年渾得醉一月不梳頭

歸鴈

聞道今春鴈南歸自廣州見花辭漲海避雪到羅浮
是物關兵氣何時免客愁年年霜露隔不過五湖秋

登岳陽樓

昔聞洞庭水今上岳陽樓吳楚東南折乾坤日夜浮
親朋無一字老病有孤舟戎馬關山北憑軒涕泗流

更題

只應踏初雪騎馬發荊州直怕巫山雨真傷白帝秋
群公蒼玉珮天子翠雲裘同舍晨趨侍胡為淹此留

白帝城樓

江度寒山閣城高絕塞樓翠屏宜晚對白谷會深遊
急急能鳴鴈輕輕不下鷗夷陵春色起漸擬放扁舟

夜雨

小雨夜復密迴風吹早秋野涼侵閉戶江浦帶維舟
通籍恨多病為郎忝薄遊天寒出巫峽醉別仲宣樓

得舍弟觀書自中都已達江陵今茲暮春
月末行李合到夔州悲喜相兼團圓可待
賦詩即事情見乎辭

爾到江陵府何時到峽州亂離生有別聚集病應瘳
颯颯開啼眼朝朝上水樓老身須付托白骨更何憂
戲題寄上漢中王

策杖時能出王門異昔遊已知嗟不起未許醉相留
蜀酒濃無敵江魚美可求終恩一酌酹淨掃鴈池頭
西閣口號呈元二十一

山木抱雲稠寒空繞上頭雲崖繞變石風慢不依樓
社稷堪流涕安危在運籌看君話王室感動幾銷憂
月

四更山吐月殘夜水明樓塵匣元開鏡風簾自上鈎
兔應疑鶴髮蟾亦戀貂裘斟酌姮娥寡天寒柰九秋
曉望白帝城鹽山

徐步移班杖看山仰白頭翠深開斷壁紅遠結飛樓
日出清江望暄和散旅愁春城見松雪始擬進歸舟
暮秋將歸秦留別湖南幕府親友

水闊蒼梧野天高白帝秋途窮那免哭身老不禁愁
大府才能會諸公德業優北歸衝雨雪誰憫弊貂裘
晚年長沙蔡五侍御飲筵送殷六察軍歸

澧州觀省

佳士欣相識慈顏望遠遊甘從投轄飲肯作置書郵
高鳥黃雲暮寒蟬碧樹秋湖南冬不雪吾病得淹留

過故斛斯校書莊

莊二首其一

此老已云歿鄰人嗟未休竟無宣室召徒有茂陵求
妻子寄他食園林非昔遊空餘總惟在浙浙野風秋

承聞故房相公靈視自閩州啓殯歸葬東
都有作

丹旄飛飛日初傳發閩州風塵終不解江漢忽同流
劍動新身匣書歸故國樓盡哀知有處為容恐長休

送李功曹之荊州充鄭侍御判官重贈

會聞宋玉宅每欲到荊州此地生涯晚遙悲水國秋
孤城一柱觀落日九江流使者雖光彩青楓遠自愁

十六夜翫月

舊挹金波爽皆傳玉露秋關山隨地闊河漢近人流

牙音會編 卷十一
四十一
谷口樵歸唱孤城笛起愁巴童渾不寐半夜有行舟
第五弟豐獨在江左近三四載寂無消息

覓使寄此

二首
其二

聞汝依山寺杭州定越州風塵淹別日江漢失清秋
影著啼猿樹魂飄結蜃樓明年不春水東盡白雲求

上牛頭寺

青山意不盡袞袞上牛頭無復能拘礙真成浪出遊
花濃春寺靜竹細野池幽何處鶯啼切移時獨未休

玉臺觀

浩劫因王造平臺訪古遊綵雲蕭史駐文字魯恭留
宮闕通群帝乾坤到十洲人傳有笙鶴時過北山頭

秦州雜詩

二十首
其二

滿目悲生事因人作遠遊遲迴度隴怯浩蕩及關愁
水落魚龍夜山空鳥鼠秋西征問烽火心折此淹留

秋日阮隱居致雉三十束

隱者柴門內畦蔬逸舍秋盈筐承露雉不待致書求
束比青芻色圓齊玉筍頭衰年關鬲冷味暖併無憂

遊修覺寺

野寺江天豁山扉花竹幽詩應有神助吾得及春遊
徑石相縈帶川雲自去留禪枝宿衆鳥漂轉暮歸愁

江漲

江漲柴門外兒童報急流下牀高數尺倚杖沒中洲
細動迎風燕輕搖逐浪鷗漁人縈小楫容易拔船頭
陪諸貴公子夫八溝携妓納涼晚際遇雨

其二
其二

雨來霑席上風急打船頭越女紅裙濕燕姬翠黛愁
纜侵堤柳繫幔卷浪花浮歸路翻蕭颯陂塘五月秋

憶弟
其二
其一

喪亂聞吾弟飢寒傍濟州人稀書不到兵在見何由
憶昨狂催走無時病去憂即今千種恨惟共水東流

晚行口號

三川不可到歸路晚山稠落鴈浮寒水飢鳥集成樓
市朝今日異喪亂幾時休遠愧梁江總還家尚黑頭

秋日寄題鄭監湖上亭
三首其一

碧草違春意沅湘萬里秋池要山簡馬月靜庾公樓
磨滅餘篇翰平生一釣舟高唐寒浪減髣髴識昭丘

江上

江上日多雨蕭蕭荆楚秋高風下木葉永夜攬貂裘
勲業頻看鏡行藏獨倚樓時危思報主衰謝不能休
覆舟

巫峽盤渦曉黔陽貢物秋丹砂同隕石翠羽共沉舟
羈使空斜影龍居悶集流篙工幸不溺俄頃逐輕鷗

村雨

雨聲傳兩夜寒事颯高秋挈帶看朱紱開箱覩黑裘
世情只益睡盜賊敢忘憂松菊新霑洗茅齋慰遠遊

題玄武禪師屋壁

何年顧虎頭滿壁畫滄洲赤日石林氣青天江海流
錫飛常近鶴杯渡不驚鷗似得廬山路真隨惠遠遊

巴西驛亭觀江漲呈竇十五使君

轉驚波作惡即恐岸隨流賴有盃中物還同海上鷗
關心小剡縣傍眼見揚州為接情人飲朝來減片愁
陪王使君晦日泛江就黃家亭子

山豁何時斷江平不肯流稍知花改岸始驗鳥隨舟
結束多紅粉懽娛恨白頭非君愛人客晦日更添愁

西山

辛苦三城戍長防萬里秋
煙塵侵火井雨雪閉松州
風動將軍幕天寒使者裘
漫山賊營壘迴首得無憂

搖落

搖落巫山暮寒江東北
流烟塵多戰鼓風浪少行舟
鶩費羲之墨貂餘季子喪長懷報明主
卧病復高秋

王腕騮

聞說荆南馬尚書
王腕騮頓驂飄赤汗踟躕顧長揪
胡虜三年入乾坤一戰收
舉鞭如有問欲伴習池遊

送王十六判官

客下荆南盡君今復入舟
買薪猶白帝鳴櫓已沙頭
衡霍生春早瀟湘共海浮
荒林庾信宅為伏主人留

舍弟觀歸藍田迎新婦送示

其二首

楚塞難為路藍田莫滯留
衣裳判白露鞍馬信清秋
滿峽重江水開帆八月舟
此時同一醉應在仲宣樓

懷灞上遊

悵望東陵道平生灞上遊
春濃停野騎夜宿敞雲樓
離別人誰在經過老自休
眼前今古意江漢一歸舟

不寐

瞿唐夜水黑城內改更籌
翳翳月沉霧輝輝星近樓
氣衰甘少寐心弱恨容愁
多壘滿山谷桃源無處求

旅夜書懷

細草微風岫危檣獨夜舟
星垂平野闊月湧大江流
名豈文章著官應老病休
飄飄何所似天地一沙鷗

去蜀

五載客蜀郡一年居梓州
如何關塞阻轉作瀟湘遊
萬事已黃髮殘生隨白鷗
安危大臣在何必淚長流

重題

哭李尚書之芳

涕洒不能收哭君餘白頭
兒童相顧盡宇宙此生浮
江雨銘旌濕湖風井迳秋
還瞻魏太子賓客減應劉

獨立

空外一鷲鳥河間雙白鷗
飄飄搏擊便容易往來遊
草露亦多濕蛛絲仍未收
天機近人事獨立萬端憂

韓集

祖席秋字

淮南悲木落而我亦傷秋
况與故人別那堪羈宦愁

榮華今異路風雨苦同憂莫以宜春遠江山多勝遊

五言排律

始音

晚泊蒲類

駱賓王

二庭歸望斷萬里客心愁山路猶南屬河源自北流
晚風連朔氣新月照邊秋竈火通軍壁烽烟上戍樓
龍庭但苦戰燕頷會封侯莫作關山下空令漢國羞

正音

新成甲杖樓

張籍

謝氏起高樓西臨城上頭圖功百尺麗藏器五兵修
結構棟薨固虛明戶檻幽魚龍卷旗幟霜雪積戈矛
暑雨歆蒸隔涼風宴位留地高形遠出山靜氣清優
睥睨斜光徹闌干宿靄浮芊芊秔稻色脉脉苑清流
郡化王丞相詩成沈隱侯居茲良得景殊勝峴山遊

遺響

相逢行

崔顥

妾年初二八家住洛橋頭玉戶臨馳道朱門近御溝
使君何暇問夫婿大長秋女弟新承寵諸兄近拜侯

春生百子殿花發五城樓出入千門裏年年樂未休
送林處士自閩中道越由雲抵兩川

許渾

書劍少青眼烟波初白頭鄉關背梨嶺客路轉蘋洲
處困道難固乘時恩易酬鏡中非訪戴劍外欲依劉
高枕海天暝落帆江雨秋鼉聲應遠鼓蜃氣學危樓
智士役千慮達人經百憂唯聞陶靖節多在醉鄉遊

類編

和與太子三月三日遊龍池

王維

故事脩春禊新宮展豫遊明君移鳳輦太子出龍樓
賦掩陳王作杯如洛水流金人來捧劍畫鷁去移舟
苑樹浮宮闕天池照冕旒宸章在雲漢垂象滿皇州

上巳應制

楊巨源

萬乘親齋祭千官喜豫遊奉迎從上苑袂禊向中流
草樹迎容衛山河對冕旒畫旗搖浦溆春服滿汀洲
仙籟龍媒下神臬鳳蹕留從今億萬載天寶紀春秋

華清宮

溫庭筠

憶昔開元日承平事勝遊貴妃專寵幸天子富春秋

月白霓裳殿風乾羯鼓樓聞鷄花蔽膝騎馬玉搔頭
綉轂千門妓金鞍萬戶侯薄雲欺雀扇輕雪犯貂裘
過客聞韶濩居人識冕旒氣和春不覺烟煖霽難收
澁浪和瓊砌晴陽上綵旂卷衣輕髻懶窺鏡淡蛾羞
屏掩芙蓉帳簾垂璵璠鈎重瞳分渭曲纖手指神州
御案迷荒草天袍妬石榴深岩藏浴鳳鮮隰媚潛虬
不料邯鄲蛙俄成即墨牛劍鋒輝大皞旗焰拂蚩尤
內嬖陪行在孤臣預坐籌瑤簪遺翡翠霜仗駐驂騶
艷笑雙飛斷香魂一哭休早梅悲蜀道高樹隔昭丘

朱閣重霄近蒼生萬古愁至今湯殿水嗚咽縣前流

送劉相公催轉運

劉長卿

國用資戎事臣勞為主憂將徵任土貢更發濟川舟
擁傳星還去回遲鳳不留唯高飲水節稍淺別家愁
落葉淮邊雨孤村海上洲遙知謝公興微月在高樓

送王相公赴幽州

其二首
其一

黃閣開帷幄丹墀拜冕旒位高湯左相權總漢諸侯
不改周南化仍分趙北憂雙旌過易水千騎入幽州
塞草連天暮邊風動地愁無因陪遠道結束佩吳鈎

泊宣城界

孟浩然

西塞松江島南陵問驛樓湖平津濟闊風止客帆收
去去懷前浦洋洋泛夕流石逢羅刹礙山泊敬亭幽
火熾梅根冶烟迷柳葉洲離家復水宿相伴賴沙鷗

河嶽英靈

登水門樓見亡友張真期題望黃河作因
以感興

崔署

吾友東南美昔聞登此樓人隨川上去書在壁中留
巖子好真隱謝公忱遠遊清夜初作頌暇日復消憂
時興交友古跡隨山水幽已孤蒼生望坐見黃河流
流落年將晚悲涼物已秋天高不可問掩淚赴行舟

杜集

西閣

二首
其二

懶心似江水日夜向滄州不道含香賤其如鑷白休
經過周碧柳蕭索倚朱樓畢娶何時竟消中得自由
豪華者古徃服食寄冥搜詩盡人間意兼須入海求

重送劉十弟判官

分源豈常派別浦鴈賓秋年事推兄忝人才覺弟優

經過辨鄴劍意氣逐吾鈞垂翅徒衰老先鞭不滯留
本枝凌歲晚高義豁窮愁他日臨江待長沙舊驛樓
立秋日雨院中有作

山雲行絕塞大火復西流飛雨動華屋蕭蕭梁棟秋
窮途愧知己暮齒借前籌已費清晨謁那成長者謀
解衣開北戶高枕對南樓樹濕風涼進江喧水氣浮
禮寬心有適節爽病微瘳主將歸調鼎吾還訪舊丘

送王信州

朝廷防盜賊供給照誅求下詔選郎署傳聲興信州

蒼生今日困天子嚮時憂井屋有烟起瘡痍無血流
壤歌唯海甸畫角自山樓白髮寐常早荒榛農復秋
解龜踰卧轍遣騎覓扁舟徐榻不知倦潁川何以酌
塵生彤管筆寒臆黑貂裘高義終焉在斯文去矣休
別離同雨散行止各雲浮林熱鳥開口江渾魚掉頭
尉佗雖北拜大史尚南留軍旅應都息寰區要盡收
九重思諫諍八極念懷柔徒倚瞻王室從容仰廟謀
故人持雅論絕塞豁窮愁復見陶唐理甘為汗漫遊

七言絕句

正音

送人

岑參

西原驛路掛城頭客散江亭雨未休君去試看汾水上白雲猶似漢時秋

送裴郎中貶吉州

劉長卿

猿啼客散暮江頭人自傷心水自流同作逐臣君更遠青山萬里一孤舟

酬曹侍御過象縣見寄

柳宗元

破額山前碧水流騷人遙駐木蘭舟春風無限瀟湘

意欲採蘋花不自由

竹枝詞

劉禹錫

山桃紅花滿上頭蜀江春水拍山流花紅易衰似郎意水流無限似儂愁

蠻中

張籍

瘴水蠻中入洞流人家多住竹棚頭二山海上無城郭惟見松牌記象州

涼州詞

鳳林關裏水東流白蒿黃榆六十秋邊將皆承主恩

澤無人解道取梁州

青樓怨

王昌齡

香幃風動花入樓
高調鳴箏緩夜愁
腸斷關山不解
說依依殘月下簾鉤

宮詞

李商隱

君恩如水向東流
得寵憂移失寵愁
莫向樽前奏花
落涼風只在殿西頭

閨怨

王昌齡

閨中少婦不曾愁
春日疑粧上翠樓
忽見陌頭楊柳
色悔教夫婿覓封侯

青樓曲

馳道楊花滿御溝
紅粧謾綰上青樓
金章紫綬千餘
騎夫婿朝回初拜侯

遺響

漢苑行

張仲素

春風淡淡影悠悠
鸞轉高枝燕入樓
千步回廊聞鳳
吹珠簾處處上銀鉤

宮怨

司馬札

柳色參差掩畫樓
曉鶯啼送滿宮愁
年年花落無人見
空逐春泉出御溝

合溪送王永歸東郭

劉商

君去春山誰共遊
鳥啼花落水空流
如今送別臨谿水
他日相思來水頭

采蓮曲

戎昱

涔陽女兒花滿頭
毵毵同泛木蘭舟
秋風日暮南湖裏
爭唱菱歌不肯休

堤上行

劉禹錫

酒旗相望大堤頭
堤下連檣堤上樓
日暮行人爭渡急
漿聲咿軋滿中流

同李十一醉憶元九

白居易

花時同醉破春愁
醉折花枝當酒籌
忽憶故人天際去
計程今日到梁州

從秦城回再題武關

李涉

遠別秦城萬里遊
亂山高下入商州
關門不鎖寒溪水
一夜潺潺送客愁

胡渭州

張祐

亭亭孤月照行舟
寂寂長江萬里流
鄉國不知何處
是雲山漫漫使人愁

南莊春晚

李郡王

草煖沙長望去舟
微茫烟浪向巴丘
沅湘寂寂春歸
盡水綠蘋香人自愁

謝亭送客

許渾

勞歌一曲解行舟
紅葉青山水急流
日暮酒醒人已
遠滿天風雨下西樓

秋思

琪樹西風枕簟秋
楚雲湘水憶同遊
高歌一曲掩明
鏡昨日少年今白頭

楚吟

李商隱

山上離宮宮上樓
樓前宮畔暮江流
楚天長短黃昏
雨宋玉無愁亦自愁

宿嘉陵驛

雍陶

離思茫茫正值秋
每因風景却生愁
今宵難作刀州
夢月色江聲共一樓

長門宮

裴交泰

自閉長門經幾秋
羅衣濕盡淚還流
一種蛾眉明月夜
南宮歌管北宮愁

三體

贈殷亮

戴叔倫

日月河邊見水流
傷春未已復悲秋
山中舊宅無人住
來往風塵共白頭

丹陽送韋參軍

嚴維

丹陽郭裏送行舟
一別心知雨地秋
日暮江南望江北
寒鴉飛盡水悠悠

旅懷

杜荀鶴

月華星彩坐來收
嶽色江聲暗結愁
半夜燈前十年事
一時和雨到心頭

長溪秋思

唐彥謙

柳短莎長溪水流
雨微烟暝立溪頭
寒鴉閃閃前山去
杜曲黃昏獨自愁

武昌阻風

方澤

江上春風留客舟
無窮歸思滿東流
與君盡日閑臨水
貪看飛花忘却愁

寫情

李益

水紋玳簾思悠悠千里佳期一夕休從此無心愛良
夜任他明月下西樓

訪隱者不遇

竇鞏

籬外涓涓澗水流
榴花半照夕陽收
欲題名字知相
訪又恐芭蕉不耐秋

選唐

春

劉禹錫

新粧宜面下朱樓
深鎖春光一院愁
行到中庭數花
朶蜻蜓飛上玉搔頭

赴連州諸公置酒相送

謫在三湘最遠州
邊鴻不到水南流
如今暫寄尊前
笑明日辭君步步愁

王舍人竹樓

李嘉祐

傲吏身閑笑五侯
西江取竹起高樓
南風不用蒲葵
扇紗帽閑眠對水鷗

邊詞

姚合

將軍作鎮古沂州
水膩山春節氣柔
清夜滿城絃管

牙音會編 卷一
沸行人不信是邊頭

宮詞

長孫翔

一道甘泉接御溝上皇行處不曾秋
誰言水是無情物也到宮到咽不流

有別

崔道融

且將絲線繫蘭舟醉下烟燈減去愁
江上有樓君莫上落花隨浪正東流

寫懷

高駢

漁竿消日泪消愁一醉忘情萬事休
却恨韓彭興漢室功成不向五湖遊

夕陽樓

李商隱

花明柳暗繞天愁上盡重城更上樓
欲問孤鴻向何處不知身世自悠悠

河嶽英靈

從軍行

烽火城西百尺樓黃昏獨坐海風秋
更吹羌笛關山月無那金閨萬里愁

正聲

送梁六

張說

巴陵一望洞庭秋，日見孤峯水上浮。
聞道神仙不可接，心隨湖水共悠悠。

涼州歌

郭知運

朔風吹葉鴈門秋，萬里烟塵昏戍樓。
征馬長思青海上，胡笳夜聽隴山頭。

上汝州郡樓

李益

黃昏鼓角似邊州，三十年前上此樓。
今日山川對垂淚，傷心不獨為悲秋。

舟行夜泊

權德輿

蕭蕭落葉送殘秋，寂寞寒波急暝流。
今夜不知何處泊，斷猿晴月引孤舟。

新鴈

杜荀鶴

暮天新鴈起汀洲，紅蓼花疎水國秋。
思得故園今夜月，幾人相憶在江樓。

李集

酌崔侍郎

巖陵不從萬乘遊，歸卧空山釣碧流。
自是客星辭帝

座元非太白醉楊州

黃鶴樓送孟浩然之廣陵

故人西辭黃鶴樓
烟花三月下揚州
孤帆遠影碧空盡
惟見長江天際流

永王東巡歌

十一首 其四

龍蟠虎踞帝王州
帝子金陵訪古丘
春風試煖昭陽殿

明月還過鵝鵲樓

上皇西巡南京歌

十首 其六

濯錦清江萬里流
雲帆龍舸下揚州
北地誰誇上林苑

南京還有散花樓

又

其八
秦關蜀道置金牛
漢水元通星漢流
天子一行遺聖跡

錦城長得作王州

峨眉山月歌

峨眉月半輪
秋影入平羌
江水流夜發
清溪向三峽
思君不見下渝州

長門怨

二首 其一

天迴北斗挂西樓
金屋無人螢火流
月光欲到長門

殿別作深宮一段愁

巫山枕障

巫山枕障畫高丘白帝城邊樹色秋朝雲夜入無行
處巴水橫天更不流

杜集

解悶十二首其二

商胡離別下揚州憶上西陵故驛樓為問淮東米貴
賤老夫乘興欲東遊

又其三

一辭故國十經秋每見秋瓜憶故丘今日南湖采薇
蕨何人為覓鄭瓜州

漫興九絕其五

腸斷春江欲盡頭杖藜徐步立芳洲顛狂柳絮隨風
去輕薄桃花逐水流

承聞河北諸道節度入朝歡喜口號十二首其八

澶漫山東一百州削成如按抱青丘包茅重入歸關
內王祭還供盡海頭

荅楊梓州

悶到房公池水頭坐逢楊子鎮東州却向青溪不相
見回船應載阿戎遊

戲為六絕其二

楊王盧駱當時體輕薄為文哂未休爾曹身與名俱
滅不廢江流萬古流

存歿口號

鄭公粉繪隨長夜曹霸丹青已白頭天下何嘗有山
水人間不解重驂騶

韓集

和歸工部送僧

早知皆是自拘囚不學因循到白頭汝既出家還擾
擾何人更得死前休

贈張十八助教

喜君眸子重清明携手城南歷舊遊忽見孟生題竹
處相看淚落不能收

湘中酌張十一功曹

休垂絕徼千行淚共泛清湘一葉舟今日嶺猿兼越
鳥可憐同聽不知愁

早春與張十八博士籍遊楊尚書林亭寄

第三閣老兼呈白馮二閣老

牆下春渠八禁溝渠冰初破滿渠浮鳳池近日長先
暖流到池時更不流

七言律詩

正音

登安陽城樓

孟浩然

縣城南面漢江流江嶂開成南雍州才子乘春來騁
望群公暇日坐消憂樓臺晚映青山郭羅綺晴驕綠
水洲向夕波搖明月動更疑神女弄珠遊

黃鶴樓

崔顥

昔人已乘白雲去此地空餘黃鶴樓黃鶴一去不復
返白雲千載空悠悠晴川歷歷漢陽樹芳草萋萋鸚
鵡洲日暮鄉關何處是烟波江上使人愁

早秋京口贈張侍郎

李嘉祐

移家避寇逐行舟厭見南徐江水流吳地征徭非舊
日秣陵凋弊不宜秋千家閉戶無砧杵七夕何人望
斗牛祗有同時駉馬客偏題尺牘問窮愁

暮春宜陽郡齋愁坐忽聞柱劉七侍御講
因以酬答

子規夜夜啼楮葉速道逢春半是愁芳草伴人還易
老落花隨水亦東流山當睥睨常多雨地接瀟湘畏
及秋為羨君為周柱史手持黃紙到滄洲

長安秋夜即事

盧綸

九重深鎖禁城秋月過南宮漸映樓紫陌夜深槐露
滴碧空雲盡火星流清風刻漏傳三殿甲第歌鍾樂
五侯楚客病來鄉思苦寐寒燈下不勝愁

同題仙遊觀

韓翃

仙臺初見玉城樓風物淒淒宿雨收山色遙連秦樹
晚砧聲近報漢宮秋疎松影落空壇靜細草春香小
洞幽何用別尋方外去人間亦自有丹丘

送客歸江州

東歸復得采真遊江水迎君日夜流客舍不離青雀
舫人家多住白鷗洲風吹山帶遙知雨露濕荷裳已
報秋聞道泉明居止近籃輿相訪可淹留

宿淮浦寄司空曙

李端

愁心一倍長離憂夜思千重戀舊遊秦地故人成遠
夢楚天涼雨任孤舟諸溪近海潮皆應獨樹邊淮葉
盡流別恨轉深何處寫前程惟有一登樓

西塞山懷古

劉禹錫

主濬樓船下益州金陵王氣漠然收千尋鐵鎖沉江
底一片降旗出石頭人世幾回傷往事山形依舊枕
寒流今逢四海為家日故壘蕭蕭蘆荻秋

馬嵬

李商隱

海外徒聞更九州他生未卜此生休空聞虎旅鳴宵
柝無復鷄人報曉籌此日六軍同駐馬當時七夕笑
牽牛如何四紀為天子不及盧家有莫愁

重有感

玉帳牙旗得上游安危須共主君憂寶劄表已來關
右陶侃軍宜次石頭豈有蛟龍曾失水更無鷹隼與
高秋晝號夜泣兼幽顯早晚星關雪涕收

咸陽城東樓

許渾

一上高城萬里愁薰葭楊柳似汀洲溪雲初起日沉
闌山雨欲來風滿樓鳥下綠蕪秦苑夕蟬鳴黃葉漢

宮秋行人莫問當年事故國東來渭水流

京口寄友人

吳門烟月昔同遊楓葉蘆花共客舟聚散有期雲北
去浮沉無計水東流一樽酒盡青山暮千里書回碧
樹秋何處相思不相見鳳樓宮闕楚江頭

和賈至舍人早朝大明宮

王維

絳績鷄人報曉籌尚衣方進翠雲裘九天閶闔開宮
殿萬國衣冠拜冕旒日色臨仙掌動香烟欲傍袞
龍浮朝罷須裁五色詔珮聲歸到鳳池頭

送薛居士和州讀書

嚴維

孤雲獨鶴共悠悠萬卷經書一葉舟楚地巢城民舍
少烟村社樹鷺湖秋蒿萊織妾晨炊黍隅地耕童夕
放牛年少不應辭苦節諸生喜遇一封侯

三體

送友人之嶺南

李郢

關山迢遞古交州歲晏憐君走馬遊謝氏海邊逢素
女越王潭上見青牛嵩臺月照啼猿樹石室烟涵古
柱秋回望長安五千里刺桐花下莫淹留

穎州客舍

姚揆

素葉孤劍尚閑遊誰共芳樽話
唱酌鄉夢有時生枕上客情終日在
眉頭雲拖雨脚連天去樹夾河聲澆
郡流回首帝京歸未得不堪唸倚夕陽樓

早秋寄題天竺靈隱寺

賈島

峯前峯後寺新秋絕頂高窓見沃州
人在定中聞蟋蟀鶴曾棲處掛彌猴
山鐘夜度空江水汀月寒生古石樓
心憶懸帆身未遂謝公此地昔曾遊

長安秋夕

趙嘏

雲物淒涼拂曙流漢家宮闕動高秋
殘星數點鴈橫塞長笛一聲人倚樓
紫艷半開籬菊淨紅衣落盡渚蓮愁
鱸魚正美不歸去空戴南冠學楚囚

長陵

唐彥謙

長陵高闕此安劉附葬壘壘盡列侯
豐上舊居無故里沛中原廟對荒丘
耳聞英主提三尺眼見愚民盜一坏
千載豎儒騎瘦馬渭城斜日重回頭

咸陽懷古

韋莊

城邊人倚夕陽樓樓上雲凝萬古愁
山色不知秦苑

廢水聲空傍漢宮流
李斯不向倉中悟
徐福應無物
外遊莫恠楚吟偏
斷骨野烟蹤跡似東周

正聲

將赴嶺外留題蕭寺遠公院 劉長卿

竹房遙閉上方幽
苔徑蒼蒼訪昔遊
內史舊山空日暮
南朝古木向人秋
天香月色同僧室
葉落猿啼傍客舟
此去播遷明主意
白雲何事欲相留

同皇甫冉登重玄閣

李嘉祐

高閣朱闌不厭游
蕪葭日水遶長洲
孤雲獨鳥川光暮
萬井千山海氣秋
清梵林中人轉靜
夕陽城上角偏愁
誰堪遠作秦吳別
離恨歸心雙淚流

送元叙上人歸上黨

劉滄

太行關路戰塵收
白日思鄉別沃洲
薄暮焚香臨野燒
清晨漱齒涉寒流
溪邊殘壘空雲木
山上孤城對驛樓
此去寂寥尋舊蹟
蒼苔滿徑竹齋秋

津亭

胡宿

津亭欲闕戒崇舟
五兩風來不暫留
西北浮雲連魏關
東南初日滿秦樓
層城渺渺人傷別
芳草萋萋客

倦游平樂舊歡收不得更憑飛夢到瀛洲

鼓吹

送浙西李相公赴鎮

劉禹錫

建節東行是舊遊歡聲喜氣滿皇州
郡人重得黃丞相童子爭迎郭細侯
詔下初辭温室樹夢中先到景陽樓
自憐不識平津閣遙望旌旗汝水頭

郊園秋日寄洛中故人

許渾

楚水西來天際流感時傷別思悠悠
一樽酒盡青山暮千里書回碧樹秋
日落遠波驚宿鴈風吹輕浪起眠鷗
嵩陽親友誰相念潘岳閑居欲白頭

竹林寺與德玄別

騷人吟罷起鄉愁暗覺年光似水流
花滿楚城傷遠別蟬鳴蕭寺喜同遊
前山日落松杉晚深夜風清枕簟秋
明日分襟又何處江南江北路悠悠

淮陰阻風寄呈楚州韋中丞

垂釣荆江欲白頭江魚堪釣却西遊
劉伶臺下稻花晚韓信廟前楓葉秋
淮月未明先倚檻海雲初起更維舟
河橋有酒無人醉獨上高城望庾樓

秋晚雲陽驛西亭蓮池

心憶蓮塘秉燭遊，葉殘花敗尚維舟。
烟開翠扇清風曉，水泛紅衣白露秋。
神女暫來雲易散，仙娥終去月難留。
空懷遠道無持贈，醉倚西樓盡日愁。

韋壽博書齋

薛逢

玄晏先生已白頭，不隨鴛鴦狎群鷗。
元卿謝免開三徑，平仲朝歸卧一裘。
醉後獨知殷甲子，病來猶作晉春秋。
塵纓未濯今如此，野水無情處處流。

鷓鴣秋

露竹風蟬昨夜秋，百年心事付東流。
明霜義分成虛語，阜俗文章惜暗投。
長笑李斯稱溷鼠，每多莊叟喻犧牛。
五湖烟水盈歸夢，蘆荻花中一釣舟。

悼古

細推今古事堪愁，貴賤同歸土一丘。
漢武玉堂人豈在，石家金谷水空流。
光陰自旦還將暮，草木從春又到秋。
閑事與時俱不了，且將身暫醉鄉遊。

鷓鴣詩

陸龜蒙

詞賦曾誇鷓鴣，流果為名誤別滄洲。
雖蒙靜置疎籠

晚不似閑樓折葦秋自昔稻梁高鳥畏至今珪組野
人讐防微避繳無窮事好為裁書謝白鷗

龔美以紫石硯見贈以詩迎之

霞骨堅來玉自愁琢成物象古釵頭澄沙脆弱聞應
伏青鐵沉埋見亦羞最稱風亭批碧簡好將雲竇漬
寒沅君能把贈閑吟客徧寫江南物象酌

送人過衛州

楊巨源

憶惜征南府內遊君家東閣最淹留縱橫聯句長侵
夜次第看花直到秋論舊舉杯先下淚傷離臨水更

登樓相思前路幾回首滿眼青山過衛州

酬盧員外

謝傳旌旗控上游盧郎樽俎借前籌舜城風土臨清
廟魏國山川在白樓雲寺當時接高步水亭今日又
同遊滿筵舊府笙歌在獨有羊曇最後流

長安春舍叙邵陵舊宴懷永門蕭使君首

其二

曹唐

三年身逐楚諸侯賓榻容居最上頭飽聽笙歌陪夜
飲熟尋雲水縱閑遊朱門鎖閉烟霞暮鈴閣清泠水

水秋月滿前山圓不動更邀詩客上高樓

和周侍御買劍

將軍溢價買吳鉤要與中原靜寇讐試掛窓前驚電
轉畧拋林下怕泉流青天露拔雲霓泣黑地潛擊鬼
魅愁見說夜深星斗畔等閑期剋月支頭

勗劍

古物神光雪見羞未能擊出恐泉流暗臨黑水蛟螭
泣潛倚空山魑魅愁生怕雷霆號澗底長聞風雨在
沐頭垂情不用將糜氣惱亂司空犯斗牛

張碩重寄杜蘭香

宋邕

碧落香銷蘭露秋星河無夢夜悠悠靈妃不降三清
駕仙鶴空成萬古愁皓月隔花追歎別飛烟籠樹省
淹留人間何事堪惆悵海色西風十二樓

織女懷牽牛

北斗佳人雙淚流眼穿腸斷為牽牛封題錦字疑新
思拋擲金梭織舊愁桂樹三天烟漠漠銀河一帶水
悠悠欲將心向仙郎說借問榆花早晚秋

憶山陽

二首
其二

趙嘏

折柳磯邊起暮愁可憐春色獨懷羞
霑襟正嘆人間事回首更慙江上鷗
鷓鴣聲中寒食酒芙蓉花外夕陽樓
憑高滿眼送清渭去傍故山山下流

清夜泛舟

薛能

都人層立似山丘坐嘯將軍擁棹遊
遶郭烟波浮泗水一船絲竹載涼州
城中覩望皆丹艷旗裏驚飛尽白鷗
儒將不須誇郤縠未聞詩句解風流

陪湖南李中丞璋宴隱溪

曹松

竹林啼鳥不知休羅列飛橋水亂流
觸散柳絲迴玉勒約開蓮葉上蘭舟
酒邊舊侶真何遜雲裏新聲更莫愁
若值主人嫌晝短應陪秉燭夜深遊

寄胡居士

司空曙

日煖風微南陌頭青田紅樹起春愁
伯勞相逐行人別岐路空歸野水流
偏憶尋僧同看雪誰期載酒共登樓
為言惆悵嵩陽寺明月高松應獨遊

潤州

二首其一

杜牧

向吳亭東千里秋放歌曾作昔年遊
青苔寺裏無鳥跡綠水橋邊多酒樓
大抵南朝皆曠達可憐東晉最

風流月明更想桓伊在一笛聞吹出塞愁

登池州九華峯寄張祐

百感中來不自由角聲孤起夕陽樓碧山終日思無
盡芳草何年恨始休曉在眼前猶不見道非身外更
何求何人得似張公子千首詩輕萬戶侯

自宣城赴官上京

蕭洒江湖十過秋酒杯無日不淹留謝公城外溪驚
夢蘇小門前柳拂頭千里雲山何處好幾人襟韻一
生休塵冠却掛知閑事終擬嗟陀訪舊遊

途次內黃馬病寄僧舍呈諸友人

高駢

官閑馬病客深秋肯學張衡詠四愁紅葉寺多詩景
致白衣人盡酒交遊依違諷刺因行得澹泊供需不
在求好與高陽結吟社况無名迹建珠旒

贈人

呂洞賓

羅浮道士誰同流草木食輕王侯世間甲子管不
得壺裏乾坤只自由數着殘碁江月曉一聲長笑海
山秋飲餘回首話歸路遙指白雲天際頭

與同年李定言曲水閑話戲作

李商隱

海燕參差溝水流同君身世屬離憂相携花下非秦
贅對泣風前類楚囚碧草暗深穿苑路珠簾不捲枕
江樓莫驚五勝埋香骨地下傷春亦白頭

無題

五首其一

宋玉

萬事風波一葉舟憶歸初罷更夷猶碧江地沒元相
引黃鶴沙邊亦少留益得冤冤終報主阿童高義鎮
橫秋人生豈得長無謂懷古思鄉共白頭

富平少侯

七國三邊未到憂十三身襲富平侯不收金彈拋林
外却惜銀床在井頭綵樹轉燈珠錯落繡檀回枕玉
雕鏤當閑莫報侵晨客新得佳人字莫愁

初秋

温庭筠

月出西南露氣秋綺寮河漢在西樓楊家繡作鴛鴦
帳張氏金為翡翠鈎香燭有光妨宿燕曉屏無睡待
牽牛萬家砧杵三篙水一夕橫塘是舊遊

將欲南行陪崔八宴海榴亭

李群玉

朝宴華堂暮未休
幾人偏得謝公留
風傳鼓角霜侵
戰雲卷笙歌月上樓
賓館盡懸徐孺榻
客帆空戀李膺舟
謾誇書劍無歸處
水遠山長步步愁

絲谷迴寄蔡氏昆仲

羅隱

一年兩度錦城遊
前值東風後值秋
芳草有情皆礙
馬好雲無處不遮樓
山牽別恨和愁斷
水帶離聲入夢流
今日不堪回首望
古烟高木隔綿州

公子家

其二首

李山甫

曾是皇家幾世侯
入雲高第照神州
柳遮門戶橫金
鎖花擁弦歌烟盡樓
錦袖妬機爭巧笑
玉銜驕馬索閑遊
麻衣酷獻平生業
醉倚春風不點頭

上元懷古

南朝天子愛風流
盡守江山不到頭
總為戰爭收拾
得却因歌舞破除休
堯將道德終無敵
秦把金湯可自由
試問繁華何處在
雨苔烟草石城秋

荆帥

武元衡

金貂再入三公府
錦帳連封萬戶侯
簾捲青山巫峽
曉雲疑碧岫
渚宮秋劉琨坐笑
風生苑謝朓裁詩月

滿樓白雪調高歌不得美人南國翠蛾愁

和司門殷真外早秋省中書直夜寄荆南

衛家端公

權德輿

共嗟王燦滯荊州才子為郎憶舊遊
涼夜偏宜粉署直清言遠待玉人
酌風生北渚烟波濶露下南宮星
漢秋早晚得為同舍旅知君兩地結離憂

古別

胡宿

長道何年祖較休風帆不斷岳陽樓
佳人挾瑟漳河曉壯士悲歌易水秋
九帳清油從自貴百壺芳醕豈

消憂至今長樂坡前水不啻秦人怨龍頭

送林學士知明州

綠綈膺檢出神州又拜東吳最上游
腰下漢符分半虎手中庖刃欠全牛
玳筵進酒吳歛曲碧沼觀魚越鄂舟
致是金華隆舊業群仙相望在瀛洲

月夜懷寄友人

譚用之

劍氣徒勞望斗牛故人別後阻仙舟
殘春謾道深傾酒好月那堪獨上樓
何處是非隨馬足由來得喪白人頭
清風未許重攜手幾度高吟寄水流

經漢武泉

無名氏

芙蓉池苑起清秋漢武泉聲出御溝千里江山映蓬
鬢二年楊柳別漁舟竹間駐馬題詩去物外何人識
醉遊盡把歸心付紅葉晚來隨水向東流

秋日圃田送人隨計

譚用之

僕射陂前是傳郵去程鷓鴣美高秋吟拋芍藥裁詩
圃醉下茱萸飲酒樓向日迥飛駒皎皎臨風誰和鹿
呦呦明年二月仙山下莫遣桃花逐水流

病宮人

袁不約

佳人卧病動經秋簾幕濫褻不掛鉤四體強扶藤夾
膝雙鬟慵整玉搔頭花顏有幸君王問藥餌無徵待
詔愁惆悵近來消瘦盡淚珠時傍枕函流

蜀中春暮

鄭谷

到處明珠是暗投兩行清淚語前流雲漫新寒遮秦
水花落空山入閬州不忿黃鸝驚曉夢惟應杜宇信
春愁梅青麥綠無歸處可是漂漂溪浪遊

憶昔

韋莊

昔年曾向五陵遊午夜清歌月滿樓銀燭樹前長似

晝露桃花下不知秋西園公子名無忌南國佳人號
莫愁今日別離俱是夢夕陽惟見水東流

綏州

雕陰無樹水南流雉堞連雲古帝州帶雨晚駝鳴遠
戍望鄉孤客倚高樓明妃去日花應咲蔡琰歸時髮
已秋一曲單于暮烟起扶蘇城上月如鉤

漁者

胡曾

不媿人間萬戶侯子孫相繼老扁舟往來南越諳蛟
室生長東吳識蜃樓自為釣竿能遣悶不因萱草解
忘憂羨君獨得逃名趣身外無機任白頭

秋鶯

李後主

殘鶯何事不知秋橫過幽林尚獨遊老舌百般傾耳
聽深黃一點入烟流栖逢背世同悲魯劉亮如笙碎
在綵莫更晉連好歸去露華淒冷蓼花愁

秋日候扇

許渾

宵衣應待絕更籌環珮珊珊月下樓井轉轆轤千樹
曉門開閭闔萬山秋龍旗盡引趨金殿雉扇纔分拜
玉旒虛戴鐵冠無事日滄江歸去老漁舟

宿淮陰南樓酌常伯熊

皇甫冉

淮陰日落上高樓
喬木荒城古渡頭
浦外野風吹入
戶
窓中海月早知秋
滄江一望通千里
畫角三聲起
百憂獨立宵分遠
來客煩君步履
忽相求

奉和魯望新夏冬郊閑泛有懷

皮日休

水物輕明澹似秋
多情才子倚蘭舟
碧簑裳下携詩
草黃篾樓中掛酒
笳蓮葉蘸波初
轉棹魚兒簇餌未
諳鉤共君莫問當
年事一點沙鷗勝
五侯

夏景冲澹偶然作

一室無喧事事幽
還如貞白在高樓
天台畫得千迴
看湖月風來石渡
遊無限世機吟處
息幾多身許釣
前休他年謁帝言
何事請贈劉伶作
醉侯

汴河亭

許渾

廣陵花盛帝東遊
先劈崑崙一派流
百二禁兵辭象
關
三千宮女下龍舟
疑雲鼓震星辰動
拂浪旗開日月浮
四海義歸忻有道
迷樓還似景陽樓

聞韶州李相公移拜彬州因寄

詔移丞相木蘭舟桂水潺湲嶺北流青漢夢歸雙闕
曙白雲吟過五湖秋恩迴玉宸人先喜道在金滕世
不憂聞說公卿盡南望甘棠花煖鳳池頭

別張秀才

不知何計寫離憂萬里山川半舊遊風捲暮沙和雪
起日融春水帶冰流凌晨客淚分東郭竟夕鄉心共
北樓青佳一枝年少事莫因鱸膾涉窮秋

醉錢汝州

白雪多隨漢水流謾勞旌旆晚悠悠笙歌暗寫終年
恨臺榭潛消盡日憂鳥散落花人自醉馬嘶芳草客
先愁怪來雅韻清無敵三十六峯當庾樓

贈河東虞押門

吳門風木落萍流月滿花開懶獨遊萬里山川分曉
夢四隣歌管送春愁昔年顧我長青眼今日逢君盡
白頭莫向樽前更惆悵古來投筆總封侯

陪宣城大夫崔公泛後池兼北樓讌

陪泛芳池醉北樓水花繁艷照膺舟亭臺陰合樹初
晝弦管韻高山欲秋皆賀號巖終選傳自傷燕谷未

雅音會編 卷十一
逢邠昔時恩遇今能否一尉滄洲已白頭

詩選

漢陽獻李相公

劉長卿

退身高卧楚城幽獨掩雙扉漢水頭春草雨中行徑
沒暮山江上捲簾愁幾人獨憶孫弘閣百里同乘范
蠡舟早晚却還丞相印十年空被白雲留

元日含元殿下立仗舟鳳樓下宣赦上門

下相公

臨軒啓扇似雲收率士朝天劇水流曙色含春當正

殿香烟捧日在高樓三陽氣早迎恩澤萬歲聲長拜
冕旒請問漢家功第一麒麟閣上識鄼侯

送崔使君赴壽州

皇甫冉

列郡專城分國憂彤幃皂蓋古諸侯仲華遇主年又
少公瑾論功位已酬草色青青迎健隼蟬聲處處雜
鳴騶千里相思如可見淮南木葉早驚秋

和樊使君登潤州城樓

劉長卿

山城迢遞敞高樓露冕吹鏡居上頭春草連天隨北
望夕陽浮水共東流江田漠漠全具地野樹蒼蒼故

蔣州王燦尚為南郡客別來何處更銷憂

光嶽英華

興慶池侍宴應制

徐彥伯

夾道傳呼翊翠虬天回日馭轉芳洲青潭曉霧籠仙
蹕紅旗晴花隔彩旒香溢金杯環廣座聲搖妓舸匝
中流群臣相慶嘉魚樂共和橫分歌吹秋

三陽石淙侍宴應制

宋之問

離宮秘苑勝瀛洲別有仙人洞壑幽巖邊樹色倉風
冷石上泉聲帶雨收鳥向歌筵來度曲雲依帳殿結
為樓微臣昔忝方明御今日還陪八駿遊

長信怨

錢起

長信螢飛一葉秋蛾眉泪盡九重幽鳩鵲觀前明月
度芙蓉闕下絳河流鴛衾久別難成夢鳳管遙聞更
起愁誰念昭陽夜歌舞君王玉輦正淹留

贈郭附馬

其二

李端

青春都尉寂風流二十功成便拜侯金距鬪鷄過上
苑玉鞭騎馬出長楸薰香荀令偏怜少傳粉何郎不
解愁日暮吹笙楊柳陌路人遙指鳳凰樓

類編

送馬將軍奏事歸滑州

李嘉祐

吳門別後蹈滄洲帝里相逢俱白頭
自嘆馬卿長帶病還嗟李廣未封侯
棠梨宮裏瞻龍袞細柳營前著
豹裘想到滑臺桑葉落黃河東注
蒺藜花秋

送鄧州崔使君

盧綸

出乘車騎次諸侯坐領圖書見督郵
繞郭桑麻通漢口滿川風景接襄州
高城鳥過方催夜廢壘蟬鳴不
待秋聞說元規偏愛月知君長伴
夜登樓

餘姚奉簡鮑參軍

嚴維

童年獻賦在皇州方寸惟思君與侯
萬事無成新白首兩春虛擲對滄流
歌詩盛賦文星動簫管新停晦
日遊知己欲依何水部鄉人今正
賤東丘

送令狐郎中赴鄧州

趙嘏

佐暮才多始拜侯一門清貴動神州
霜蹄冷駐秦雲曉野旆晴翻郢樹秋
幾處塵生隨候騎半江帆盡見
分流大馮罷相吟詩地莫惜頻登
白雪樓

籌筆驛

羅隱

拋擲南陽為主憂北征東討盡良籌時來天地雖同
力運去英雄不自由千里山河輕孺子兩朝冠劍恨
譙周惟餘岩下多情水猶解年年傍驛流

喜量移登千越亭贈鄭校書 劉長卿

青青草色滿皇洲萬里傷心水自流越鳥豈知南國
遠江花獨向北人愁生涯已許滄浪老冤氣初逢渙
汗收何事還邀仙客醉春風日夜待歸舟

九日登高 王昌齡

青山遠近帶皇州霽景重陽上北樓雨歇亭皋仙菊
潤霜飛天苑御梨秋茱萸插鬢花宜壽翡翠橫釵舞
作愁謾說陶潛籬下醉何曾得見此風流

感興寄友 李商隱

十年京國摠忘憂詩酒淋漓共貴游漢月夜吟鳩鵲
觀苑雲春釀鷓鴣表書來慰我臨池上秋去思君到
水頭惟憶晉人張處士于今江海尚淹留

七夕 温庭筠

鵲歸鸞去兩悠悠青鎖西南月自鈎天上歲時星石
轉世間離恨水東流金風入樹千門夜銀漢橫空萬

象秋蘇小迴塘通桂楫未應清淺隔牽牛

李集

寄崔侍郎

宛溪霜夜聽猿愁去國長為不繫舟獨憐一鴈飛南
海却羨雙溪解北流高人屢解陳蕃榻過客難登謝
眺樓此處別離同落葉朝朝分散敬亭秋

登金陵鳳凰臺

鳳凰臺上鳳凰遊鳳去臺空江自流吳宮花草埋幽
徑晉代衣冠成古丘三山半落青天外二水中分白

鷺洲總為浮雲能蔽日長安不見使人愁

杜集

題張氏隱居

二首
其二

春山無伴獨相求伐木丁丁山更幽澗道餘寒歷水
雪石門斜日到林立不貪夜識金銀氣遠害朝看麋
鹿遊乘興杳然迷出處對君疑是泛虛舟

卜居

浣花溪水西頭主人為卜林堂幽已知出郭少塵
事更有澄江銷客愁無數蜻蜓齊上下一雙鴻鵠對

沉浮東行萬里堪乘興須向山陰上小舟

江村

清江一曲抱村流長夏江村事事幽自去自来梁上燕相親相近水中鷗老妻畫紙為碁局稚子敲針作釣鉤多病所須惟藥物微軀此外更何求

白帝城最高樓

城尖徑昃旌旄愁獨立縹緲之飛樓峽坼雲霾龍虎睡江清日抱黿鼉遊扶桑西枝封斷石弱水東影隨長流杖藜歎世者誰子泣血迸空迴白頭

見王監兵馬使說近山有白黑二鷹羅者
久取竟未能得王以為毛骨有異他鷹恐
臘後春生寒飛避暖勁翻思秋之甚眇不

可見請余賦詩

其二首
其一

雲飛玉立盡清秋不惜竒毛恣遠遊在野只教心力破千人何事網羅求一生自獵知無敵百中爭能耻下鞞鵬礙九天須却避兔經三窟莫深憂

舍弟觀赴籃田取妻子到凌江喜寄

其二首
其一

汝迎妻子達荊州消息真傳解我憂鴻雁影來連峽

內鵲鷓飛急到沙頭
峽關險路今虛遠
禹鑿寒江正穩流
朱紱即當隨
綵鷁青春不假報黃牛

將赴荆南寄別李劔州弟

使君高義驅今古
寥落三年坐劔州
但見文翁能化俗
馬知李廣未封侯
路經灩澦雙蓬鬢
天入滄浪一釣舟
戎馬相逢更何日
春風回首仲宣樓

寄杜位

近聞寬法離新州
想見歸懷尚百憂
逐客雖皆萬里去
悲君已是十年流
干戈况復塵隨眼
鬢髮還應雪滿頭

玉壘題書心緒亂
何時更得曲江遊

江上值水如海勢聊短述

為人性僻耽佳句
語不驚人死不休
老去詩篇渾漫興
春來花鳥莫深愁
新添水檻供垂釣
故著浮槎替入舟
焉得思如陶謝手
令渠述作與同遊

長沙送李十一街

與子避地西康州
洞庭相逢十二秋
遠愧尚方魯賜履
境非吾土倦登樓
久存膠漆應難並
一辱泥塗遂晚收
李杜齊名真不竊
朔雲寒菊倍離憂

秋興八首
其六

瞿塘峽口曲江頭，萬里風烟接素秋。
花萼夾城通御氣，芙蓉小苑入邊愁。
珠簾繡柱圍黃鵠，錦纜牙樯起白鷗。
迴首可憐歌舞地，秦中自古帝王州。

簡吳郎司法

有客乘舸自忠州，遣騎安置瀼西頭。
古堂本置藉疎豁，借汝遷居停宴遊。
雲石熒熒高葉曉，風江颯颯亂帆秋。
却為姻婭過逢地，許坐曾軒數散愁。

和裴迪登蜀州東亭送客逢早梅相憶見

寄

東閣官梅動詩興，還如何遜在揚州。
此時對雪遙相憶，送客逢春可自由。
幸不折來傷歲暮，若為看去亂鄉愁。
江邊一樹垂垂發，朝夕催人自白頭。

涪城縣香積寺官閣

寺下春江深不流，山腰官閣迥添愁。
含風翠壁孤雲細，昔日丹楓萬木稠。
小院回廊春寂寂，浴鳧飛鷺晚悠悠。
諸天合在藤蘿外，昏黑應須到上頭。

七言排律

正音

送裴相公上太原

王建

還攜堂印向并州將相兼權是武侯時難獨當天下
事功成却進手中籌再三陳乞鑪烟裏前後分張王
按頭朱架早朝排立戟綠槐殘雨看張油遙知鴈塞
從今好直到漁陽以北愁邊鋪恐巡旂盡換山城欲
過館重修千群白月兵迎節十對紅粧妓打毬聖主
分明教暫去不須高起見京樓

類編

寄韓愈侍郎

王建

重登太學領儒流學派詞鋒壓九州不以雄名踈野
賤惟將直氣折王侯詠傷松桂青山瘦取盡珠璣碧
海愁聚述異篇經摠別鞭驅險句物先投碑文合遣
真蒐謝史筆應令諂受羞清俸探將還酒債黃金旋
得起書樓叅來擬設官人禮朝退多逢月閣遊見向
雲泉求住處若無知薦一生休

雅音會編卷之十一畢

新音會編卷之十一畢

雲泉東玉為玄無以誠一也

野賦書對秋未幾遂中入醫館以多病以聞遂與同

真真備文不測今在復其舊也其德聖西對黃金

誠心親也其以對其德聖西對黃金

野賦書對秋未幾遂中入醫館以多病以聞遂與同

雲泉東玉為玄無以誠一也

王真



